

Umboni Wamachiritso

(Yotanthauzidwa kuchokera ku Chipwitikizi)

October 27, 2014

Dzina langa ndine M’busa Isaque Roberto. Ndimachokera ku Londrina m’boma la Paraná, Brazil, ndipo ndikufuna kugawana nanu chinachake kudzela mu imelo imeneyi. Ndakhala



ndili m’busa ku Londrina kwa zaka 15. Zaka zitanu zapitazo banja langa linawopsezedwa ndi ngozi, koma inali yayikulu.

Pa 24 July, 2011, mwana wathu wamkazi Beatriz Gabriella (ali ndi zaka zisanu ndi ziwiri), anachita ngozi yoopsa ya galimoto pomwe anagundidwa ndi dalaivala wa takisi pamene ankadutsa powolokera msewu. Anagundidwa mwa mphamvu moti, malingana ndi azakafukufuku, anaponyedwa mtunda okwana mafiti 21. Ndinathamangira pomwe anali, samapuma, ndipo ndikukumbukira ndinakuwa, “Wina aitanitse chithandizo!” Nditayang’ananso pomwe anali iye, ndinaona njinga ya moto ndi mau omwe anati, “Ndithandiza. Ndine ozimitsa moto.” Nthawi imeneyo, Mulungu anabweretsa oyankha oyamba pamenepo. Anamutembenuza Beatriz ndikumugonetsa chagada kenako anamupanga CPR, ndipo anatsokomola magazi. Thandizo linafika, ndipo pomwe amamuthandiza mkati mwa ambulasi, ndinayamba kupemphera. Satana m’dyelekezi ankandilondalonda ndipo anandiwonetsa mumtima mwanga chithunzi cha m’nyamata yemwe ndinkamudziwa yemwe anagundidwa ndi galimoto ndipo anasiya kuyankhula ndi kupanga zolongosoka. Tsopano banja lake limamuyendetsa pa njinga ya olumala, whilutcheya. Nthawi imeneyo, m’dyelekezi ankandibweretsera chithunzi chake ndikumati, “mmenemo ndimmene mwana wako adzakhalire.”

Anamutengera kuchipatala ndipo anagonekedwa atamupeza ndi mavuto awa: mwendo wakumamzere wothyoka, mkono wakumamzere wothyoka, chidale chakumamzere ndi chakumanja chinathyoka, chiwalo cha mmimba (spleen) chovulala, mapapo anaonongeka komanso kusokonezeka kwa mutu kwa level 3. (Level 4 ndi imfa).

Titafika ku malo osamalira odwalika kwambiri (Intensive Care Unit), tinaona mwana wathu atalumikizidwa ku zida zambirimбири, amapuma mothandizidwa ndi makina, ndipo atakomoka. Patapita masiku atatu chipangireni ngozi, pa 27 July, dotolo (neurosurgeon) yemwe ankamuthandiza anatiyitana ndikuti, “Ndili ndi nkhani yosakhala bwino. Mmene analili zikupitilira kuyipilayipila. Mankhwala sakugwira nthito kwa Beatriz, ndipo bongo wake sulibwino. Ubongo ukutupa. Chifukwa cha ichi, magazi sakuyenda bwino kudutsa mu bongo, ndipo m’kawola ochepa akudzawa, ubongo wa Beatriz usiyiratu kugwira nthito,” Dotolo anati. “Ndili ndi njira ina imodzi yomaliza, yomwe ndikupanga sajare kuti tichotse chidutswa cha chigaza mbali zonse kuti tichepetse mphamvu mubongo wa Beatriz, ndicholinga choti papezeke malo oti bongowo uzifufumilapo. Komabe, palibe chitsimikizo choti angasinthe kapena kulimba ndi sahareyo.”

Tinavomereza zomupanga sajare, chifukwa tinadziwa kuti mawu wotsiriza mwini wake ndi Mulungu. Pamene amakonzekera zonse, anatiuza kuti tikhale ndi Beatriz kuti tithe kutsanzikana naye. Mkazi wanga anayamba kupemphera pamene ine ndinawaitana othandiza kupemphera ndikuwalongosolera mmene zinthu zinaliri. Pamene mkazi wanga anatsamira thupi la Beatriz akupemphera, munthu wina anabwera kwa iye nati, “Mai,



ndikukulangizani kuti mungopemphera kwa Mulungu kuti angomutenga, chifukwa ngakhale achire, azidzangokhalira kugona pa bedi ngati chipukupuku.” Patapita maola angapo, ndisakudziwa chomwe chinachitika, ndinalandira uthenga pa foni kuchokera kwa mlamu wanga wakuti amapemphera masana ndipo anaona masomphenya. Anaona mzimu oipa utabwera kwa mkazi wanga ndikunena ndendende mau omweo.

Sajare inatenga pafupifupi mawola asanu. Mmene amamubweretsa Beatriz ku malo osamalira odwalika kwambiri, mutu wake unali utakutidwa wonse komanso nkhope yake itasintha. Tsopano ndinkangodikilira. Tinapemphera kuti Mulungu amuchiritse, koma nkhani zoipa zinkabwerabe—chibayo, matenda owatenga kuchipatala konko.

Tsiku lina lisanafike tsiku lomwe Beatriz anabadwa (8 August), dotolo anati asiya kumupatsa makhwala oletsa ululu pogonetsa kuti aone ngati angatsitsimuke. Ndinafunsa, “Zingatenge nthawi yayitali bwanji mmene mukuganizila kuti adzuke?” “Ndizovuta kudziwa bwino bwino,” anatero “atha kudzuka lero, mawa, sabata ya mawa, mwezi wa mawa, chaka cha mawa, komanso atha osadzukanso,” anamaliza.

Patapita masiku angapo, makina omwe amagwiritsa ntchito popuma anamuchotsa. Tinakondwera chifukwa anayamba kudzuka. Komabe, usiku Beatriz anapumira madzi mkati ndipo mapumidwe ake anayipa. Mmene tinafika ku chipatala, tinamuona akupuma movutika.

Gulu la azachipatala linayesetsa kuchita chili chonse kumuthandiza kuti apeze bwino. Tinapita ku nkhomaliro, ndipo pamene tinabwelera ndikupempha kuti tilowe, anatiyimitsa. Ndinayanq'ana kudzera pa khomo ndipo pafupifupi gulu lonse linazungulira bedi lake likulira. Tinadikira kwa mphindi zambiri, ndipo nthawi yomwe anatilola kuti tilowe, tinaona kuti machubu opumila aja amuyikanso. Mmodzi mwa a dotolo anati "Mwina tigwiritsa ntchito njira yopumila kudzera mma chubu, ndipo Beatriz adzigwiritsa ntchito popuma mpweya kudzera mu chubu. Sangakwanitsenso kupuma mwaiye yekha." Nkhani inanso yoipa—chifukwa china chopempherera. Patapita masiku angapo, Beatriz anatsitsimuka ndipo anapita kumalo ena osamamalira odwala.

Tinapitiliza kumulirira Mulungu ndi kusala kudya nthawi zonse. Pamene Beatriz anapita ku malo ena osamalira odwala, tinasandutsa chipinda kukhala malo opempherera, maola 24 patsiku. Tinali ndi nyimbo zopembedza zimene timamvera. Timapemphera ola lililonse. Anthu amalowa ndi kuona Beatriz atagona pa bedi ali ndi mwendo okutidwa pulasitala, ataikidwa makina opumila ndi odyera ndipo amati, "Zikukhala bwanji kupezeka mtendere malo ano?" Masiku omwe anagonekedwa m'chipatala onse anakwana 53.

Pamene Beatriz anatulutsidwa, anabwera kunyumba asakuonetsa zizindikiro zochira kwenikweni. Tinali ndi bedi ya kuchipatala, mpando osambira, ndi whilutcheya kunyumba. Mkazi wanga ankayankhula ndi dotolo wodziwa za matupi (physical therapist) ndipo anafunsa, "A dotolo, mukuganiza zitenga nthawi yaitali bwanji kuti Beatriz ayende?" Dotolo anayankha, "Ndakhala ndikugwira ntchito imeneyi kwa zaka zambiri, ndipo sindinapezeko m'mabuku azamankhwala kapena kumva nkhani ya aliyense kuti anapulumukapo ku ngozi ngati yomwe Beatriz anachita. Mwina tsiku lina adzakwanitsa kuyendera ndodo kapena choyendera, koma kukwanitsa kuyenda bwinobwino—m'maganizo anga—sizidzathekanso." Komabe, tinalimbikitsidwa mu uzimu mwathu kuti sizidzamuthera choncho. Tinapitiliza kupemphera molimba kufuna Ambuye, nthawi zina muchikhulupiriro, nthawi zina kulira, koma nthawi zonse kukhulupilira. Tsiku lina tinamutengera ku chipatala cha dera lomwe timakhala chifukwa tinkafuna chilolezo chopitila ku chipatala china, ndipo ndinamuza dotolo kuti zinali zachangu. Dotolo anapempha kuti amuone Beatriz, ndipo pamene ndinalowa mu ofesi ali mmanja mwanga, dotolo anafunsa, "Bambo ndichifukwa chiyani muli pachangu? Chingasithe ndi chiyani ndi mmene alili mwanayu?"

Beatriz amayenera kuchitidwa sajare kuti amulowetse chinthu pomwe panachotsedwa fupa mu chigaza mwake. Tinayerekeza ndalama (Real yaku Brazil) 147,500.00 (pafupifupi \$60,000.00 USD). Tinalibe ndalamayi, choncho tinali ndi chifukwa china choti tipemphere. Titalandira malangizo kuchokera kwa Mulungu kudzera mwa mzathu, tinayamba kupanga kampeni yopezera ndalama. Lachinayi lina, ndinalandira foni. Anali mzimai yemwe anayamba kufunsa za Beatriz. Anafunsa kuti ndi ndalama zingati zimafunikabe, ndipo ndinati (BRL) 57,000.00 (\$23,000.00 USD). Anati awona ngati angachitepo kanthu za ife. Lolemba lotsatira, nditapita kukatapa ndalama zotsala ku bank, ndinapeza kuti munthu uja anayikako ndalama zomwe tinkafuna. M'masiku 40 tinakwanitsa kupeza ndalama zonse zomwe timafuna. Ambuye alemekezeke!

Sajare inachitika pa23 December 2011. Panthawi imeneyi, Beatriz anali akukwanitsa kukhala mothandizidwa ndi ma pilo ndiponso amatha kukhala pa whilutcheya. Pa 27 December, ndinapita kukamutsanzika Beatriz ndisanachoke kupita ku tchalichi.

Ndinanyamula manja ake ndipo ndinamuza kuti ndikupita ku tchalichi. Ndipo kenako ndinamva akundikoka dzanja langa. Ndinamugwira mwamphamvu ndipo mwakamodzi anayimilira. Ndinachita mantha ndipo ndinabwerera mmbuyo, ndipo nthawi yomweyo, anaponyanso sitepe kupita kutsogolo ndipo anapitiliza kuyenda. Mulungu ndiwokhulupilika!

Pamene masiku amapita, Beatriz anapitiliza kukhala bwino. Anayamba kuyankhula ndi kulemba. Mu May 2012, anabwelera ku sukulu.

Lero, patapita zaka zitatu, ndi mboni yamoyo ya mphamvu zodabwitsa, umboni woti Mulungu ndiwokhulupirika ku Mawu Ake ndipo amachita zokomera anthu ake onse okhulupilira. Mau omwe ndili nawo pa moyo wanu nthawi zonse ndi akuti, “CHILI CHONSE NDI CHOTHEKA KWA IYE AMENE AKHULUPILIRA” (Mariko 9:23).

Masiku ochepa apitawo, mkazi wanga anali ndi dotolo odziwa za matupi, ndipo dotolo ankamuwonetsa Beatriz kwa mmodzi mwa ophunzira ake ndikunena kuti, “(Izi ndizodabwitsa, chifukwa kupanda Mulungu, bwenzi uyu kulibe. Palibe chomwe mankhwala akanachita kwa iye.”

Mankhwala palibe chomwe akanachita, koma MULUNGU ANGATHE! ATHA KUCHITANSO KU MOYO WANU.

M`busa Isaque Roberto

Umboniwu unaperekedwa ku tchalichi chonse ku Londrina ndipo wakhala chitsanzo cha mphamvu za Mulungu kuyesa chikhulupiliro chathu. Wonelani umboni omwe tinajambula ku tchalichi pa youtube:

<http://www.youtube.com/watch?v=YHqbBk0A4nA>.